

ՍՈՒՍԱՆՆԱ ՏԻՈՅԱՆ. Բառակազմական բազմակի պատճառաբանվածությունը ժամանակակից հայերենում (Երկրորդ լրամշակված հրատարակություն), *Երևան, Հեղինակային հրատ., 2013, 274 էջ:*

*Բոլորովին վերջերս լույս է տեսել Սուսաննա Տիոյանի «Բառակազմական բազմակի պատճառաբանվածությունը ժամանակակից հայերենում» աշխատությունը, որը կարևոր ներդրում է հայերենի զարգացման բնագավառում: Այն տպագրվել է ՀՀ ԳԱԱ Հրայրյա Աճառյանի անվան լեզվի ինստիտուտի գիտական խորհրդի որոշմամբ, պատասխանատու խմբագիրն է բ. գ. դ., պրոֆեսոր Վ. Գ. Համբարձումյանը, գրախոսները՝ բ. գ. դ. ԳԱԱ թղթակից անդամ Ա. Ե. Սարգսյանը և բ. գ. թ. Ս. Գալստյանը:*



*Մենագրությունը նվիրված է ժամանակակից հայերենի բառակազմության այն խնդիրներին, որոնք վերաբերում են դեռևս ամբողջական քննության չառնված բառակազմական բազմապատճառաբանվածությանը:*

*Ս. Տիոյանն ուսումնասիրել և ներկայացրել է արմատական ածականների, արմատական բայերի, նախածանցավերջածանցավոր կազմության բառերը, հիմնավորել, որ բերված արմատական ածականներն ու արմատական բայերը օժտված են բազմապատճառաբանվածությամբ, որը կարող է նպաստել բացահայտելու նոր իմաստներ՝ մինչ այժմ անհայտ և լեզվի զարգացման հետագա փուլերում իրագործելի: Բազմապատճառաբանվածության շնորհիվ մեր բառապաշարը կարող է համարվել այնպիսի բառերով, որոնք կառաջանան հետագա փուլերում:*

*Գիրքը կազմված է ներածությունից, երեք գլուխներից, հավելվածից, եզրակացություններից, օգտագործված գրականության ցանկից և պայմանական նշաններից: Ներածության մեջ հեղինակը ներկայացնում է բառակազմական պատճառաբանվածության ուսումնասիրությունը լեզվաբանության մեջ ընդհանրապես և ժամանակակից հայերենում՝ մասնավորապես: Առաջին գլխում տրվում է արմատական ածականների բառակազմական ներուժը, երկրորդում՝ արմատական բայերի բառակազմական ներուժը և դրանց բառակազմական բները, երրորդում՝ բառակազմական պատճառաբանվածության տեսակները նախածանցավոր-վերջածանցավոր կազմություններում, այնուհետև եզրակացություններ: Հիմնահարցի ուսումնասիրման դրդապատճառը եղել է այն, որ ժամանակակից հայերենում բառակազմական պատճառաբանվածությունը և դրա մի*

մասնավոր՝ համաժանցման, այսինքն՝ միաժամանակ և՛ նախաձանցի, և՛ վերջաձանցի կցման երևույթը դեռևս բավարար չափով ուսումնասիրված չէ: Սույն աշխատանքի լույս աշխարհ գալուն մեծապես նպաստել են անվանի լեզվաբան Գ. Բ. Ջահուկյանի կազմած արմատական ածականների և արմատական բայերի ցանկերը՝ որպես բառակազմական գործընթացի անառարկելի էլակետ:

Աշխատության շնորհիվ է, որ՝

1. արմատական ածականների և արմատական բայերի բառակազմական գործընթացներում հատկապես բազմապատճառաբանվածության դեպքերի առկայությամբ հայտնաբերվել են չիրացված բառակազմական տակտեր՝ կիրառելով լեզվաբանական նորագույն մեթոդներ: Օրինակ՝ անցնել → անցողաբար → անցողական → անցողիկ, իմանալ → իմացաբանական → իմացաբանորեն → իմացաբանություն, երգել → երգ → երգահան → երգահանություն և այլն:

2. Ճշգրտվել են բառակազմական բներում պատճառաբանվածության տեսակները՝ իմաստային / ձևական, անմիջական / միջնորդավորված տարատեսակներով: Օրինակ՝ ննջել → ննջեցնել → ննջեցյալ (վեջինիս ածանցյալն այս բառակազմական շղթայում մեկնաբանվում է միայն ձևականորեն, բայց ոչ իմաստային պատճառաբանվածությամբ, այսինքն՝ ննջեցնել-ով իմաստով): Դավանել → դավադիր → դավադրում → դավադրություն, բայց դավանանք գոյականի դեպքում՝ դավակից → դավակցություն (այս բառարնի առաջին շղթայում առկա է դավադրել բայի իմաստը, իսկ երկրորդ շղթայում՝ դավանել բայինք):

3. Բացահայտվել են հնացած հազվադեպ գավառական հին և այլ նշումներով այնպիսի միավորներ, որոնք ժամանակակից հայերենի արդի փուլում սկսել են կիրառվել կամ կիրառելի են դրանց ածանցյալները: Օրինակ՝ շինել → շինածո (հզվդ.), ժողովել → ժողով → ժողովական (հնց.), վարանել → վարան (հզվդ.), անվարան → անվարանորեն և այլն:

4. Ներկա քննությամբ վեր են հանվել բառերի կամ արմատների այնպիսի նմուշներ, որոնք Արդի հայերենի բացատրական բառարանում (այսուհետև՝ ԱՀԲԲ) չկան: Սույն ուսումնասիրությամբ արձանագրվել են նաև բառարներում բառերի իմաստափոխության հետաքրքրություն ներկայացնող մի շարք երևույթներ: Օրինակ՝ կայ(կաց) → կացարան → կացություն → կացիկ → կացական, պաշարել → պաշարում → պաշարմունք իմաստափոխություն, այդ նմուշներից են՝ ապսպրել, կորզում, անլսելի, անմնացորդ, համաներում, նպաստավորում, հրամայական, գերապայծառ, կառուցող, վերակառուցող, նորոգ, վերանորոգող, վերանորոգելի և այլն:


5. Պարզվել է, որ բառակազմական շղթայում չիրացված և ԱՀԲԲ-ում չարձանագրված բառերի մեծ մասը դերբայական ձևեր են (հիմնականում հարակատար, ենթակայական, որոնք, համաձայն բառարանագրության սկզբունքի, որպես գլխաբառ չեն տրվում, բայց

այլ բառերի բացատրություններում առկա են. օրինակ՝ հաշտ → հաշտվողաբար → հաշտվողորեն):

6. Անհատակություն է նկատվել արմատական ածականների մեծ մասում, հատկապես այն դեպքում, երբ բառակազմական շղթայում կա պատճառական բայ ու դրանից -ում-ով սերված բայանուն: Օրինակ՝ բարակ → բարականալ → բարակացնել → բարակացում և բարակ → բարակել → բարակեցնել → բարակեցում (այս բառը արձանագրված չէ ԱՀԲԲ-ում) կամ դանդաղ → դանդաղանալ → դանդաղացնել → դանդաղացում (սա նույնպես արձանագրված չէ ԱՀԲԲ-ում), դանդաղ → դանդաղել → դանդաղեցնել → դանդաղեցում, բայց երեք → երեքալ → երեքում → երեք → երեքել. տե՛ս երեքալ → երեքեցնել, նաև երեքացնել → երեքացում (այս բառն էլ չկա ԱՀԲԲ-ում) և խիտ → խտանալ → խտացնել → խտացում:

ԱՀԲԲ-ում մի դեպքում Եցում-ով ձևը չի արձանագրվում, մյուս դեպքում՝ ացում-ովը, երրորդ դեպքում բայանունը միջնորդաբար սերվում է երեքալ անորոշ դերբայից, այլ ոչ դրա պատճառականի ձևից, չորրորդ դեպքում միօրինակություն է, այսինքն՝ բարակ ածականի բարակացում բայանունն է ճիշտ, դանդաղ-ի դանդաղեցում-ը, իսկ երեք-ի՝ երեքում-ը: Այսպիսիք արմատական ածական ելաբառերում համատարած են և միօրինականացման, նորմավորման պահանջ է առաջանում:

7. Ան- նախածանցով բառերի խմբում՝ երկու օրինակներում, նկատվել է պատճառաբանվածության ձևային, իմաստային ու ձևաիմաստային տարատեսակների դրսևորում, այսպես՝



(կետագծերով սլաքները տակտային պատճառաբանվածության ձևային տարբերակի ցուցանիշներն են):

8. Նկատվել է, որ արմատական ածականների բառակազմական գործընթացում երևում են «բաց», «դատարկ» տակտեր, որոնք լեզվի զարգացման ընթացքում համալրվելու են նորանոր բառերով, ինչպես՝ անձգրիտ, առարկելի, գերապայծառ, վերահսկող, համաներում, նորոգող և այլ բառերը:

9. Պարզվել է, որ նախաձանցավոր-վերջաձանցավոր երկպատճառաբանված բառերի նախաձանցման դեպքում հիմնականում սերվում են գոյականներ, ավելի քիչ՝ ածականներ և հազվադեպ՝ մակբայներ՝ -ում, -ություն, -իչ, -ող, -ական, -աբար, -ովին վերջաձանցներով: Նախաձանցման դեպքում խոսքիմասային պատկանելության փոփոխություն չի կատարվում, իսկ ածանցյալների իմաստները փոխվում են՝ կապված էլաբառերի իմաստների վրա նախաձանցների իմաստների ազդեցության չափից: – Ում է պահանջվում, օրինակ՝ բեռնել → բեռնում (գ.) → փոխբեռնում (գ.), հաղորդել → հաղորդում (գ.) → փոխհաղորդում (գ.), գնահատել → գնահատում (գ.) → գերագնահատում (գ.) և այլն:

10. Նախաձանցավոր-վերջաձանցավոր բարդությունների սերման վերջաձանցման դեպքում ամեն մի ածանցյալ շարահյուսական պաշտոնի և իմաստային տեսանկյունից որոշակի մոտեցում է պահանջում: Օրինակ՝ արտատպել → արտատպող, գերակատարել → գերակատարող գույգ բառերում գործողության և այդ գործողության կատարողի իմաստին համապատասխան՝ տեղի է ունենում խոսքի մասերի անցում բայից գոյականի (այլն ածականի կամ դերբայի), սակայն նորաբնակ → նորաբնակություն, վերաբնակ → վերաբնակություն, տարաբնակ → տարաբնակություն գույգերում խոսքի մասերի փոփոխություն տեղի չի ունենում, բայց կատարվում է իմաստափոխություն:

11. Թվով 461 նախաձանցավոր-վերջաձանցավոր երկպատճառաբանված ածանցյալների ցանկի վերհանումն ու ձևաիմաստային համապատասխանությունների ուսումնասիրությունը պարզել է, որ նշյալ երևույթը և համաձանցման երևույթը բնորոշ են ժամանակակից հայերենի բառակազմությանը: Օրինակ՝ առձակատում, անդրձիբիմյան և այլն (տե՛ս կետ 12-ի օրինակները):

12. Աշխատության 246–247 էջերում հեղինակը բերում է 27 համաձանցման օրինակ, որոնց էլաբառերից միայն մեկն է դերանուն՝ (ես) անդր-ես-ություն, մյուսները գոյականներ են, այսպես՝ անդր-ծով-յան, անդր-ջրհեղեղ-յան, անդր-երկր-ային, անդր-ամպ-յան և այլն: Սերման արդյունքում ստացվում են ածականներ՝ առափնյա, անդրծովյան, ապօրինի և այլն, որոնցում կատարվում է խոսքիմասային անցում, և գոյականներ՝ անդրատենչություն, առձակատում և անդրեսություն, որտեղ խոսքիմասային անցում չկա:

Այսպես հեղինակը շարունակում է իր նորամուծությունները՝ կատարելով համապատասխան եզրակացություններ: Ընդ որում, մենագրության մեջ ընդգրկված են նաև արմատական բայերի ու արմատական ածականների բառակազմական բառարանները, այսինքն՝ բառակազմական ողջ ներուժը. այդ իմաստով այն կարող է նաև բառարանի դեր կատարել: